

Mensahe 8

**Ang Pamatigayon sa Dios ug ang Pagpaambit Niya
sa Basahon ni Jeremias**

Basahong Kasulatan: Jer. 2:13; 15:16; 17:7-8, 19-27;
23:5-6; 31:31-34; Heb. 8:8-12

- I. Niingon ang Jeremias 17:7-8, “Bulahan ang tawong nisalig ni Jehova / Ug ang pagsalig mao si Jehova. / Ug masama siya sa kahoyng gibalhig tanom daplin sa tubig, / Nga magpakatay sa mga gamot niini daplin sa sapa, / Ug dili mahadlok kon moabot ang kainit; / Kay malabong man kanunay ang mga dahon niini, / Ug dili kini mabalaka sa tuig sa hulaw / Ug dili mohunong sa pagpamunga”:**
- A. Masabot kining mga versiculoha sa duha ka managlahing pagsabot—segun sa natural nga pagsabot ug segun sa pamatigayon sa Dios; wala maghisgot kining mga versiculoha sa taphawng butang nga mosalig sa Dios aron makadawat og materyal nga mga panalangin; sa pagkatinuod, nagpasabot kining mga versiculoha sa pamatigayon sa Dios nga gituman pinaagi sa Iyang pagpaambit:
1. Nagpadayag ang pinadayag dinhi nga segun sa pamatigayon sa Dios, ang tawong nisalig sa Dios sama sa kahoyng gibalhig tanom daplin sa tubig, nga nagtimaan sa Dios nga tuboran sa buhing mga tubig (2:13); dili lang nga nisalig ta sa Dios, kondili ang Dios mismo maoy pagsalig nato diha Niya.
 2. Nitubo ang kahoy daplin sa tubig sa pagsuyop niini sa tanang kadato sa tubig; hulagway kini sa pagpaambit sa Dios; aron madawat nato ang diosnong pagpaambit, ingon nga mga kahoy mosuyop gyod ta sa Dios nga buhing tubig nga ipaambit nganha sa atong pagkatawo aron mahimong pagkaumol mismo nato.
- B. Ang hunahuna dinhi pareho ra sa hunahuna sa 1 Corinto 3:6, nga niini niingon si Pablo nga, “Nananom ko, namisbis si Apolo, apan ang Dios maoy nagpatubo”; ang pagbisbis para man dunay masuyop ang kahoy, ug ang pagsuyop pagdawat man sa pagpaambit sa Dios:
1. Motubo ang kahoy pinaagi sa Dios nga Tigsangkap ug sangkap; ang sangkap mao ang kadato sa nagsangkap nga Dios nga gipaambit kanato nga mga tanom aron motubo ta ngadto sa sukod sa Dios; sa kapulihay, mausa ang mga tanom ug ang Dios, ang Dios ug ang mga tanom, nga dunay samang elemento, pagkamao, pagkaumol, ug panagway—Col. 2:19.
 2. Makita gyod unta natong tanan ang mahinungdanong kahulogan sa pagsuyop sa Dios nga buhing tubig aron maumol ta sa Iyang elemento ug pagkamao ug motubo sa pagtubo sa Dios; kon kulang ang pagtubo sa kinabuhi, magkalamukat ang Cristohanong kinabuhi sa mga magtutuo, madaot ang iglesihanong kinabuhi, ug maguba ang kinabuhi sa Lawas.
 3. Aron motubo sa kinabuhi para matukod ang Lawas ni Cristo, mosuyop gyod ta sa Dios sa paggamot nato pailawom ug pagpamunga paitaas (Isa. 37:31); nagpasabot kini nga kinahanglan duna tay tagong mga panahon nga makig-ambitay sa Dios (Mat. 6:6; 14:22-23); ang paggahom, paghayag, pagpahimulos sa pahulay, pagkalipay, pagtuo, pagsulbad sa mga problema, pagdaog sa mga pagsulay, mga pagtintal, ug kalisdanan, ug paghupay sa Cristohanon nag-agad tanan sa sekretong

Mensahe 8 (sumpay)

pagpakig-ambitay niya sa Dios pinaagi sa pag-ampo ug sa pulong sa Dios (Dan. 6:10; Col. 4:2; 2 Tim. 3:14-17).

II. Sa Jeremias 17:19-27 duna tay pulong kalabot sa pagbantay sa Igpahulay sa Dios; ang paagi sa pagbantay sa Igpahulay pagpahimulos man Kaniya, pagpahulay diha Niya, ug pagkatagbaw diha Niya nga tuboran sa buhing mga tubig—2:13:

- A. Sa Exodo 31:12-17, human sa taas nga rekord kalabot sa pagtukod sa puluy-anan sa Dios, gisubli ang sugo sa pagbantay sa Igpahulay; matod pa sa Colosas 2:16-17 ug Mateo 11:28-30, si Cristo ang realidad sa pahulay sa Igpahulay—Heb. 4:7-9; Isa. 30:15:
1. Kon makamao ra ta mobuhat alang sa Ginoo apan dili makamao mopahulay uban Niya, nagbuhat ta nga supak sa diosnong prinsipyo:
 - a. Nipahulay ang Dios sa ikapitong adlaw kay nahuman na man Niya ang Iyang buhat ug natagbaw; nadayag ang himaya sa Dios kay naa may dagway Niya ang tawo, ug gamiton na ang Iyang pagbulot-an sa pagpasakop sa Iyang kaaway, nga si Satanas; basta magpadayag sa Dios ang tawo ug magbatok sa Iyang kaaway, matagbaw ug makapahulay ang Dios—Gen. 1:26, 31; 2:1-2.
 - b. Sa ngadto-ngadto, gisaulog ang ikapitong adlaw isip Igpahulay (Exo. 20:8-11); ang ikapitong adlaw sa Dios maoy unang adlaw sa tawo; human lalanga ang tawo, wala siya moapil sa buhat sa Dios; nisulod siya sa pahulay sa Dios.
 2. Gilalang ang tawo dili aron mobuhat una kondili aron matagbaw sa Dios ug mopahulay uban sa Dios; sa Dios kalabot kini sa pagbuhat ug pagpahulay, apan sa tawo kalabot kini sa pagpahulay ug pagbuhat; diosnong prinsipyo man nga human sa hingpit nga pagpahimulos nato sa Dios, makabuhat ta uban Niya—itandi sa Mat. 11:28-30:
 - a. Kon dili ta makamao mopahimulos sa Dios mismo ug mapuno Niya, dili ta makamao mobuhat uban Niya ug mausa Niya sa Iyang diosnong buhat; mapahimuslan sa tawo ang nahuman sa Dios sa Iyang buhat.
 - b. Sa adlaw sa Pentecostes napuno ang mga tinun-an sa Espiritu, nagpasabot nga napuno sila sa pagpahimulos ni Cristo nga langitnong bino; sa diha rang napuno na sila ning pagpahimulosa nga nakabuhat sila uban sa Dios nga nausa Niya—Buh. 2:4, 12-14.
- B. Isip katawhan sa Dios, kinahanglan duna tay ilhanan nga nagpahulay ta uban sa Dios, nagpahimulos sa Dios, ug napuno una sa Dios; mobuhat dayon ta uban Niya nga nagpuno nato; labot pa, dili lang nga mobuhat ta uban sa Dios kondili mobuhat sab nga nausa sa Dios, nakabaton Niya nga atong kusog sa pagbuhat ug kalagsik sa paghago—Exo. 31:13, 17.
- C. Sa iglesiahanong kinabuhi mobuhat tingali tag daghang butang nga wala una mopahimulos sa Ginoo ug wala moalagad sa Ginoo nga nausa Niya; moresulta kanang pag-alagara sa espirituhanong kamatayon ug pagkawala sa pakig-ambitay sa Lawas—vv. 14-15.
- D. Ang buhat sa Ginoo nga motukod sa iglesia magsugod gyod sa pagpahimulos nato sa Dios, nga magpakita nga wala ta mobuhat alang sa Dios sa kaugalingon natong kusog kondili sa pagpahimulos Kaniya ug pagkausa Kaniya; kini ang pagtuman sa prinsipyo sa Igpahulay nga si Cristo ang sulodnong pahulay diha sa atong espiritu—1 Cor. 3:9; 15:58; 16:10; 2 Cor. 6:1.

III. Lakbit-asoy sa tibuok Biblia ang basahon ni Jeremias; nagpakita ang panagna ni Jeremias nga si Cristo ray makatuman sa pamatigayon sa Dios ug si Cristo ra ang

Mensahe 8 (sumpay)

tubag sa mga gipangayo sa Dios sa Iyang pamatigayon; nagpakita ang hulagway nga gipakita ni Jeremias nga balewala ta ug nga si Cristo ang tanan alang nato:

- A. Sa pagtuman sa pamatigayon sa Dios, naghisgot si Jeremias ni Cristo nga atong pagkamatarong ug katubsanan (23:5-6), sa Dios nga tuboran sa buhing mga tubig (2:13), ni Cristo nga atong kalan-on (15:16), ug ni Cristo nga realidad sa bag-ong pakigsaad ug sa tanang panalangin niini (31:31-34; Heb. 8:8-12):
1. Sa usa ka bahin, makaingon ta nga ang bag-ong pakigsaad pareho rag kahulogan sa pamatigayon sa Dios, kay kini man ang mga sulod ug pagkamao sa pamatigayon sa Dios—Jer. 31:31-34; Job 10:13; itandi sa Efe. 3:9:
 - a. Ang tanang dagkong butang sa bag-ong pakigsaad mao ang mga sulod sa pamatigayon sa Dios ug sa Iyang pagpaambit lakip na sa balaodnong katubsanan ug organicong kaluwasan Niya nga maghimo natong Dios aron matukod ang Lawas ni Cristo, nga mahingpit sa Bag-ong Jerusalem.
 - b. Ang pagpangalagad sa mga apostol mao ang pagpangalagad sa pamatigayon sa bag-ong pakigsaad sa Dios; kini ang pagpangalagad sa bag-ong pakigsaad nga nasentro sa pamatigayon sa Dios—1 Tim. 1:3-4; itandi sa 2 Cor. 3:3, 6.
 2. Sa laing bahin, makaingon ta nga ang bag-ong pakigsaad mao ang paagi nga matuman, o mahuman, sa Dios ang Iyang pamatigayon; gipadayag sa 2 Corinto nga ang pagpangalagad sa bag-ong pakigsaad para man matuman ang walay kataposang pamatigayon sa Dios—2:12—4:1.
- B. Si Cristo ang realidad sa bag-ong tugon, sa bag-ong pakigsaad, ang realidad sa tanang pagkamao sa Dios ug sa tanang gihatag sa Dios kanato; busa, si Cristo ang bag-ong pakigsaad:
1. Daghan ang kabilin, apan sa pagkatinuod usa ra ka persona kining tanang kabilin—ang pneumaticong Cristo—Isa. 42:6; 49:8; Jer. 31:31-34; Heb. 8:8-12; Juan 20:22; Efe. 3:8.
 2. Dili mahurot ang mga kabiling gibilin sa Ginoo kanato sa bag-ong tugon, ug para kini masinati ug mapahimuslan nato pinaagi sa Espiritu sa eternidad—Heb. 9:15.
 3. Molakaw gyod ta sa karaang mga agianan sa atong mga amahan sa paglakaw nato sa dalan sa bag-ong pakigsaad nga gipunting sa pamatigayon sa Dios, sa dalan nga mosangko sa kinabuhi; ang laing mga agianan mga agianan man sa mga laraw ni Satanas segun sa makapasimang nga mga estratehiya niya nga mosangko sa pagkalaglag; ang paglakaw sa laing mga agianan paglugsong man, apan ang paglakaw sa karaang mga agianan, sa dalan nga natibawas na, pagtungas man—Jer. 18:15; itandi sa Mat. 7:13-14.
 4. Sa bag-ong pakigsaad, sa walay kataposang pakigsaad, gihatagan ta sa Dios og usa ka kasingkasing ug usa ka dalan (Jer. 32:39-41); ang usa ka kasingkasing kasingkasing nga mahigugma sa Dios, mangita sa Dios, magkinabuhi sa Dios, ug magpaumol sa Dios aron mahimo tang pagpadayag Niya; ang usa ka dalan mao ang Tulo-usang Dios mismo isip balaod sa kinabuhi sa sulod ug ang diosnong kahimoan niini (31:33-34); kining usa ka kasingkasing ug usa ka dalan mao ang pagkahiusa (Buh. 1:14; 2:46; 4:24; Rom. 15:6).
- C. Isip nikayab nga Cristo nga naglingkod sa trono sa mga langit, gipatuman Niya karon ang bag-ong pakigsaad, nga gibilin Niya kanato ingog testamento, nangamuyo alang nato ug nangalagad kanato aron makaamgo, makasinati, ug makapahimulos ta sa tanang kabilin nga naa sa bag-ong tugon—Heb. 12:2; 7:25; 8:1-2:

Mensahe 8 (sumpay)

1. Gipalig-on ang bag-ong tugon, ang bag-ong pakigsaad, ang testamento, sa kama-tayon ni Cristo ug gihimo ug gipatuman ni Cristo sa pagkabanhaw ug pagkayab Niya.
2. Gibilin kanato ang bag-ong pakigsaad ingon nga bag-ong tugon, ug karon, diha sa misticong ginsakpan sa langitnong pagpangalagad ni Cristo, gipatuman Niya ang gibilin Niya.
3. Naa si Cristo karon sa mga langit, buhi, diosnon, ug makahimo; makapatuman Siya sa bag-ong tugon, sa bag-ong pakigsaad, sa tanang detalye niini, maghimo sa tanang kabilin niini nga naa kanunay ug tinuod alang nato:
 - a. Isip diosnong Labawng Sacerdote, gipatuman ni Cristo ang bag-ong pakigsaad sa pagpangamuyo Niya alang nato, nag-ampo nga madala ta ngadto sa realidad sa bag-ong pakigsaad—7:25.
 - b. Isip Tigpataliwala, Tigpatuman, sa bag-ong pakigsaad, sa langitnong pagpangalagad ni Cristo, gipatuman Niya ang bag-ong tugon ug gibuhat sa sulod nato ang tanang bahin sa mga kabilin niini—8:6; 9:15; 12:24.
 - c. Isip kalig-onan sa bag-ong pakigsaad, si Cristo ang pasalig nga matuman ang tanang naa sa bag-ong pakigsaad; gigarantiyahan ug giseguro Niya ang pagka-epektibo sa bag-ong tugon—7:22.
 - d. Isip Ministro sa tinuod (langitnon) nga tabernaculo, gialagaran ta ni Cristo sa mga kabilin, mga panalangin, sa bag-ong tugon, gihimong epektibo sa atong kasinatian ang mga kamatuoran sa bag-ong pakigsaad—8:2.
 - e. Isip dakong Magbalantay sa mga karnero, gihingpit ni Cristo, pinaagi sa pagpangatiman Niya, ang Bag-ong Jerusalem sumala sa walay kataposang pakigsaad sa Dios—13:20.
- D. Kon buot natong madawat ang pag-aplikar sa tanang panalangin sa bag-ong pakigsaad, kinahanglan mga tawo ta nga mosanong sa langitnong pagpangalagad ni Cristo—12:1-2; Col. 3:1:
 1. Nagkinahanglan sa atong pagsanong ang pagpangalagad ni Cristo sa langit aron mapatuman ang bag-ong pakigsaad—Heb. 7:25; 4:16; 10:19, 22:
 - a. Sa daghang siglo naningkamot si Cristo nga wala kaayo molampos nga makabaton og grupo sa mga tawo nga mosanong sa pagpangalagad Niya sa mga langit.
 - b. Sa kaluoy ug grasya sa Ginoo, dunay grupo sa mga tawo karon dinhi sa yuta diha sa pahiuli sa Ginoo nga nisanong sa langitnong pagpangalagad ni Cristo.
 - c. Samtang naa sa langit ang Ulo nangamuyo alang nato ug nangalagad kanato, naa sa yuta ta, nga Lawas, nisanong sa langitnong pagpangalagad ni Cristo, nitakdo ug nagpasumbalik sa gibuhat Niya aron mapatuman ang bag-ong pakigsaad—Efe. 1:22-23; 4:15-16; Buh. 6:4.
 2. Kinahanglan maablihan ang atong mga mata aron makakita sa langitnong pananawon sa bag-ong tugon, sa bag-ong pakigsaad, sa testamento, ug sa tanang kabilin niini—Efe. 1:17-18; Buh. 26:18-19:
 - a. Gisaad sa Amahan ang tanan, ug gihuman ni Ginoong Jesus ang tanan; gilista karon diha sa testamento isip mga kabilin nato ang tanang kamatuoran nga nahuman na—Luc. 22:20; Heb. 9:16-17.
 - b. Kon duna tay langitnong pananawon aron makakita nga mga kabilin diha sa testamento ang tanang panalangin sa Dios, dili ta moampo ingog makaluluoyng mga makililimos kondili ingog mahimayaong mga manununod, nga modawat sa mga kabilin pinaagi sa pagtuo—Rom. 8:17; Efe. 3:6; Heb. 6:17; 1:14.

JEREMIAS UG LAMENTACIONES

Mensahe 8 (sumpay)

- c. Kon duna tay langitnong tinan-awan sa bag-ong tugon, sa bag-ong pakigsaad, mausab ang atong hunahuna, mausab gyod ta pag-ayo, ug matugob gyod kaayo ta sa pagdayeg sa Ginoo—2 Cor. 5:13; Bug. 5:6-13.
- E. Gikinahanglan nato ang kawhaag pito ka basahon sa Bag-ong Tugon sa pagpatin-aw sa Jeremias 31:31-34:
1. Kon nakasabot ta ning bahina sa kahayag sa tibuok Bag-ong Tugon, makita nato nga ning bag-ong pakigsaad naato ang iglesia, ang gingharian sa Dios, panimalay sa Dios, ang balay sa Dios nga puluy-anan Niya diha sa atong espiritu, ang bag-ong tawo, ug ang Lawas ni Cristo nga kahupnganan sa nahikay ug nahingpit nga Tulo-usang Dios.
 2. Sa kapulihay, magpadangat sa millennium kining bag-ong pakigsaad; sa kinataposan ug kinahingpitan gyod, magpadangat kini sa Bag-ong Jerusalem sa bag-ong langit ug bag-ong yuta sa eternidad.